

# AAMADOU DON WADA TARIHA



Soobaajo men Aamadou woodi bolle tilimɗe ngam men.

Mi mawni kombi maayo Maaliya, diga mi pamaro, mi don no suklani date diina saaro'en am. Saaro'en am nduuri nder Islaam. Mi mawniri Alkur'aani. Be ngidaa mi diwa koo nyalaade haa nyalde suumaye. Nde jowi mi juuli wakkatiiji am.

Mi tokki jaŋgirde haa lesdi Jaaman, ton ekkitiimi dabiya masiihiŋko'en, ammaa mi meedaay koo nde woore, mi fotta bee masiihiŋkeejo don seedo nuddinki muudum, haa nde ngartumi lesdi Misra. Wakkati jahaŋgal ngal, nder koombowal, min kujjotiri duuddum bee masiihiŋkeejo godɗo mo jahaŋgal hawti min. Ko numan'noomi kam, Issa o annabojo bana annabo'en wodbe non. Ammaa naa o coottoowo, maayɗo mbattudi hakkeoji am. Mi don no yelo foodugo mo law nder diina Islaam. Ammaa

yamol maako bi'angol: "Noy ngadata bee hakkeoji ma?" tokki billugo yam. Nden njaabimoomi: Mi don juula, ngam man Allah yaafi yam. Ammaa o yami: "Toy adilaare Allah e Senaare mun, to ndey fuu Allah tokkoto yaafaago hakke ma, koo to a don wada dum bee anniya boo?"

Ammaa, mi hebaay ko mi wi'a. Bee anniya a don wada junuuba, nden Allah yaafo ma na? Koo nde Allah timmini kuugal coottaari diga hakke, godɗo tokkoto wadugo dum mum boo na?

En ngoodi baawɗe wadugo godɗum ngam Allah yaafo en fahin na? Dume rimɗinta en e kulol maayde? Noy ngadeten bee sooynde tammunde bana nde'e?

Haa lesdi Lisbonne, keɓmi "Biboul", nden mi jaŋgi nde nder cuudiiɗum. Ngam mi yidi anndugo gada ko ɓe tindini dow Issa Al-masiih fodde Linjiila. Ammaa nde mi juulɗo, haani mi yaha-

hijju ton mi taaroto kaaba nde joweediɗi, dum laati bana fuddam ngeendam kesam haa kalaa juulɗo fuu. Ammaa kadi, hayre waatnde nde'e rimɗinan en diga aybeeji men e nde wadanan en tammunde timmidid 'nde na? Alkur'aani don wi'a: Kisndam woodani maayando ngam konu diina. Ammaa dume woni nafuda halkere yonki am? Ki woodani yam jur!

Nder jaŋɗe « Biboul », tawmi bolle koolniide. De don mbolwanammi haala yiide; Yiide Allah heedi yam e yiide am heedi heddiddiraabe am.

Mi lorti haa lesdi Jaaman, ammaa kebuki kuugal e weerde cadani yam. Njahmi haa Masiihiŋkeejo feere, mo wi'i yam: "Oho, mi wallete ngam barka geendal am bee yimbe". Haani o hokkammi "adirees" yimbe ɓe o mari geendal bee maɓɓe go, sey o wi'i fahin: "Mi anndinan haaje ma Issa, ngam kaŋko burdummi

hoolaago". Nden, nde min tori, paammi hoytirma wadi nder ngeendam am. Min boo, mi tokki wadugo non foroy. Ko furi, mi hebi kisnoowo yam maayɗo ngam hakkeoji am, dokkudo yam ngeendam nduumiidam caahu. Naa ngam mi juuli, mi suumi, koo ma ngam mi wadi sunna. Mi acci pallel ngel yiide Allah tabitaay, sey tammaago hoddiroore nde waylataake, ngam hebugo ngeendam iwdam e Baabiraawo, keewɗo yiide, aynando yam kalaa nyalaade fuu. O yaafi yam o hokki yam jam e de'ere bernde.

Mi hebi Kisnoowo e dimɗinoowo geeto. Mawbe e marbe daraja duniyaaru ndu fuu maayi. Ammaa Issa yeedi ngeendam laabɗam bilaa aybe; bee non fuu, O hebi maayde ngam rimɗingo en diga dooŋgal aybeeji men fuu e senugo en diga kuude cobɗe. O jaali maayde, O geeto ngam Abada abadin. O loroto ngam hoo'ugo tokkiibe mo. Mi woon'dan bee maako nder aljanna

saare Baabiraawo, ngam  
barka Issa Al-masiih.

Fakat mi hebi Kisnoowo  
kolniido!

“Dow maada  
tan mbadmi aybe, mi huuwi  
kalludum yeeso ma. Fakat mi  
danyaado nder junuuba, diga daada  
reedi yam, mi don nder hakke. An a  
yidi bernde goongaare ... Lootu aybe  
am, ittu halleende am fuu. Ya Allah  
taganam bernde laabnde”

(Jabuura Daawuda 51:6-12)

**To on ngidi anndugo ko bura du’um malla  
woodi yamde moodon, ndaa no on tawirta min:**

**Maroua:** B.P. 98,  
*cb.maroua@gmail.com*  
tél.: 675.004.505 / 695.765.950

**Garoua:** B.P. 510,  
*cb.garoua@gmail.com*  
tél.: 663.822.557 / 698.434.388

**Kousséri:** B.P. 98,  
*cb.kousseri@gmail.com*  
tél. 676.099.969,  
ou 00235-68.02.37.31

**Mora:**  
tél. 660.888.143,  
*cb.mora.massif@gmail.com*

**Ngaoundéré:** B.P. 30,  
*cb.ngaoundere@gmail.com*  
tél.: 695.245.462

**Ngong (carr. Tourwa):**  
tél. 657.271.882 / 691.170.489

**Bertoua:** B.P. 12,  
*cb.bertoua@gmail.com*  
tél.: 696.855.087

et également :

**Bafoussam:** B.P. 1086

**Douala-Nouvelle Route Cité:**  
B.P. 7541

**Ebolowa:** B.P. 98

**Monatélé:** B.P. 92

**Yaoundé-Etoa Meki:** B.P. 4866